


起世因本經



二百七十九
取一



P1

是三摩耶若佛世尊為諸比丘說如此義諸
 比丘聞世尊所說當如是持
 爾時佛告諸比丘言汝等比丘諦聽諦聽善
 思念之我當為汝次第而說時諸比丘同白
 佛言唯然世尊願樂欲聞爾時佛告諸比丘
 言諸比丘如一日月所行之處照四天下尔

取

起世因本經卷一

崔林

所四天下世界有千日月諸比丘此則名爲
一千世界諸比丘千世界中千月千日千須
彌山王四千洲渚四千大洲四千小海四千
大海四千龍種性四千大龍種性四千金翅
鳥種性四千大金翅鳥種性四千惡道處種
性四千大惡道處種性四千小王四千大王
七千種種大樹八千種種大山十千種種大
泥犁千閻摩羅王千閻浮洲千瞿陀尼千弗婆
毗提訶千鬱多羅究留千四天王天千三十三
天千夜摩天千兜率陀天千化樂天千他化
自在天千諸摩羅天千梵世天諸比丘彼梵
世中有一梵王威力最強無能降者統攝千

梵自在王領云我能作能化能幻去我如父
於諸事中自作如是憍大語言即生我慢如
來不然所以者何一切世間各隨業力現成

此世諸比丘如此小千世界猶如周羅周羅者
隋言騷

也外國人頂上結
少許長髮為髻名千世界諸比丘所周羅一

千世界是名第二中千世界諸比丘如一第二

中千世界所中千一千世界是名三千大

千世界諸比丘此三千大千世界一時轉合

一時轉合已而還復散一時轉散已而復還

合一時轉合已而安住如是世界周而轉燒

名為敗壞周而轉合名為成就周而轉任名

為安立是為無畏一佛刹土衆生所居諸世

丘此大地厚四十八万由旬邊廣無量諸丘
丘此之大地住於水上水住風上風依虛空
諸比丘此大地下所有水聚彼水聚厚六十
万由旬邊廣無量彼水聚下所有風聚彼風
聚厚三十六万由旬邊廣無量諸比丘其大
海水最甚深處深八万四千由旬邊廣無量
諸比丘其須弥山王入海水中八万四千由
旬出海水亦八万四千由旬諸比丘須弥
山王其底平正下根連住大金輪上諸比丘
其須弥山王於大海中下狹上廣漸漸寬大
端直不曲牢固大身微妙最極殊勝可觀四
寶合成所謂金銀瑠璃頗梨生種種樹其樹

鬱茂出種種香其香遠熏遍滿諸山多衆聖
賢最大威德勝妙天神之所任止諸比丘須
彌山王上分之中四方有峯其峯傍挺角出
各高七百由旬微妙可喜七寶所成所謂金
銀瑠璃頗梨赤真珠磲磔碼碯等之所莊嚴
曲臨海上諸比丘其須彌山下有三級諸神
住處其最下級縱廣六十由旬七重牆壁七
重欄楯七重鈴網復有七重多羅行樹周而
圍遶可喜端正其樹皆以金銀琉璃頗梨赤
真珠車渠瑪瑙等七寶所成其諸牆壁各有
四門彼一一門有諸壘堞具足莊嚴重閣輦
軒却敵樓櫓臺殿房廊樹林苑等并諸池沼

池出妙華衆雜香氣有種種樹種種莖葉種種華果悉皆具足亦出種種微妙諸香復有諸鳥各出妙音鳴聲間雜和雅清徹其中分級縱廣四十由旬所有莊嚴十重牆壁欄楯鈴網多羅行樹可喜齊平周而端正亦爲七寶金銀瑠璃頗梨赤真珠車渠瑪瑙等之所

校飾門觀樓閣臺殿園池果樹及以衆鳥皆悉具足其上分級縱廣二十由旬七重牆壁乃至諸鳥各出妙音諸比丘其下級中有夜叉任名曰鉢手其中級中有諸夜叉名曰持鬘其上級中有諸夜叉名曰常醉諸比丘須彌山半四万二千由旬中有四大天王宮殿

諸比丘須彌山上有三十三諸天宮殿帝釋
所住三十三天向上一倍有夜摩諸天宮殿
住其夜摩天向上一倍有兜率陀諸天宮殿
其兜率天向上一倍有化樂諸天宮殿住其
化樂天向上一倍有他化自在諸天宮殿住
其他化自在天向上一倍有梵身諸天宮殿
住其他化上梵身天下於其中間有魔波旬
諸宮殿住倍梵身上有光音天倍光音上有
遍淨天倍遍淨上有廣果天倍廣果上有不
履天廣果天上不履天下其間別有諸天宮
住名爲無想衆生所居倍不履上有不惱天
倍不惱上有善見天倍善見上有善現天倍

善現上則是阿迦尼吒諸天宮殿諸比丘阿
迦尼吒上更有諸天名無邊虛空處天無邊
識處天無所有處天非想非非想處天此等
盡名諸天住處諸比丘如是之處如是界分
衆生所住如是衆生若來若去若生若滅邊
際所極是世界中諸衆生羣有生老死墮在
如是生道中住至此不過是故說言娑婆世
界無畏刹土自餘一切諸世界中亦復如是
諸比丘須彌山王北面有洲名鬱多羅究留
其地縱廣十千由旬四方正等而彼人面還
似地形諸比丘須彌山王東面有洲名弗婆
毗提訶其地縱廣九千由旬圓如滿月彼間

人面還似地形諸比丘須弥山王西面有洲
名瞿陀尼其地縱廣八千由旬形如半月彼
諸人面還似地形諸比丘須弥山王南面有
洲名閻浮提其地縱廣七千由旬北廣南狹
狀如車箱其中人面還似地形諸比丘須弥
山王北面以天金所成照彼鬱多羅究留洲
東面以天銀所成照彼弗婆毗提訶洲西面
以天頗梨所成照彼瞿陀尼洲南面以天青
瑠璃所成照此閻浮提洲諸比丘其鬱多羅
究留洲有一大樹名菴婆羅其本縱廣七由
旬下入於地二十一由旬出高百由旬枝葉
垂覆五十由旬諸比丘其弗婆毗提訶洲有

一大樹名迦曇婆其本縱廣七由旬下入於地二十一由旬出高百由旬枝葉垂覆五十由旬諸比丘瞿陀居洲有一大樹名鎮頭迦其本縱廣七由旬乃至枝葉覆五十由旬而彼樹下有一石牛高一由旬以此因緣故名瞿陀居洲諸比丘此閻浮提有一大樹名曰閻浮其本縱廣七由旬乃至枝葉覆五十由旬而彼樹下有閻浮檀金聚高二十由旬以金從於閻浮樹下出生是故名爲閻浮檀閻浮檀金因此得名

諸比丘諸龍金翅有一大樹名曰拘吒賒摩利和其本縱廣七由旬乃至枝葉覆五十由

旬諸比丘阿脩羅輩有一大樹名修質多囉
波吒羅其本縱廣七由旬乃至枝葉覆五十
由旬諸比丘三十三天有一大樹名波利夜
多羅瞿比陀囉其本縱廣七由旬下入於地
二十一由旬出高百由旬枝葉覆五十由旬
諸比丘須弥山下其次有山名佉提羅迦高
四万二千由旬上廣亦然可喜端正七寶合
成所謂金銀瑠璃頗梨赤真珠車渠瑪瑙等
諸比丘其須弥山佉提羅迦二山中間廣八
万四千由旬周帀無量優鉢羅鉢頭摩拘牟
頭奔荼利迦搯捷地雞遍覆諸水諸比丘次
佉提羅迦外有山名伊沙陀羅高二万一千

由旬上廣亦然微妙可喜乃至瑪瑙等七寶
所成其佉提羅迦伊沙陁羅二山中間廣四
万二千由旬周帀無量優鉢羅鉢頭摩拘牟
頭奔荼利迦搔捷地雞遍覆諸水次伊沙陁
羅外有山名遊捷陁羅高一万二千由旬上
廣亦然可喜微妙乃至瑪瑙等七寶所成其
伊沙陁羅遊捷陁羅二山中間廣二万一千
由旬周帀無量優鉢羅鉢頭摩拘牟陁奔荼
利迦搔捷地雞遍覆諸水次遊捷陁羅外有
山名曰善見高六千由旬上廣亦然可喜微
妙乃至瑪瑙等七寶所成其遊捷陁羅去於
善見二山中間廣一万二千由旬周帀無量

優鉢羅鉢頭摩拘牟陀奔荼利迦搔捷地鷄
遍覆諸水次善見外有山名馬半頭高三千
由旬上廣亦然可喜端正乃至瑪瑙等七寶
所成其善見及馬半頭二山中間廣六千由
旬周帀無量優鉢羅鉢頭摩拘牟陀奔荼利
迦搔捷地雞遍覆諸水次馬半頭外有山名
毘民陀羅高一千二百由旬上廣亦然可喜
微妙乃至瑪瑙等七寶所成馬半頭毘民陀
羅二山中間廣二千四百由旬周帀無量優
鉢羅鉢頭摩拘牟陀奔荼利迦搔捷地雞遍
覆諸水次毘民陀羅外有山名毗那耶迦高
六百由旬上廣亦然微妙可喜乃至瑪瑙等

七寶所成。居民陀羅毗那耶迦。二山中。間廣
一千二百由旬。周而無量。種種雜華。乃至搔
達地。雖遍覆諸水。次毗那耶迦外。有山名斫
迦羅。隋言輪也高三百由旬。上廣亦然。微妙可喜。
乃至瑪瑙等七寶所成。其毗那耶迦及斫迦
羅二山。中間廣六百由旬。周而無量。四種雜
華及搔捷地。雞遍覆諸水。去輪圓山。其間不
遠。邊有空地。青草遍布。即有大海。其大海北
有大樹王。名曰閻浮樹。身周圍有七由旬。根
下入地二十一由旬。高百由旬。乃至枝葉四
面垂覆五十由旬。其邊空地。青草遍布。次有
菴婆羅樹林。閻浮樹林。多羅樹林。那多樹林。

各皆縱廣五十由旬間有空地生諸青草次
有男名樹林女名樹林那陀那林真陀那林
各皆縱廣五十由旬其邊空地青草彌覆次
有呵梨勒果林鞞醯勒果林阿摩勒果林菴
婆羅多迦果林亦各縱廣五十由旬次有可
殊羅樹林毗羅果樹林婆那婆果林石榴果
林各各縱廣五十由旬次有烏勃林捺林甘
蔗林細竹林大竹林各廣五十由旬次有荻
林葦林割羅林大割羅林迦奢文陀林各廣五
十由旬次有阿提目多迦華林瞻婆華林波
吒羅華林薔薇華林各廣五十由旬其邊空
地青草遍覆復有諸池優鉢羅華鉢頭摩華

拘牟陁華奔荼利迦華等。彌覆復有諸池。毒
虵充滿。各廣五十由旬。其間空地青草遍覆。
其次有海名烏禪那迦。廣十二由旬。其水清
冷。味甚甘。甜。輕。軟。澄。淨。七重。埽。壘。七重。間。錯。
七重。欄。楯。七重。鈴。網。外。有。七重。多。羅。行。樹。周
帀。圍。遶。微。妙。端。正。七寶莊飾。乃至瑪瑙等七。

寶所成。周遍四方。有諸階道。可喜。端正。亦是
七寶。金。銀。琉。璃。頗。梨。赤。真。珠。砗。磲。瑪。瑙。等。所
成。復有優鉢羅鉢頭摩。拘牟陁華。奔荼利迦華。
其華。火。色。即。現。火。形。有。金。色。者。即。現。金。形。有
青。色。者。即。現。青。形。有。赤。色。者。即。現。赤。形。有。白
色。者。即。現。白。形。婆。無。陁。色。現。婆。無。陁。形。華。如。

車輪根如車軸華根出汁色白如乳味甘若
蜜諸比丘烏禪那迦海中有諸轉輪聖王行
道上廣十二由旬諸比丘閻浮提中轉輪聖
王出現世時彼諸海道自然涌現共水齊平
諸比丘烏禪那迦海其次有山名烏禪伽羅
諸比丘其烏禪伽羅山可喜端正微妙可觀
所有諸樹諸葉諸華諸果諸香及諸異草種
種鳥獸但是世間所出之物於彼烏禪伽羅
山中無不悉有諸比丘其烏禪伽羅山如是
可喜端正可觀汝等應當如是善持諸比丘
次烏禪伽羅有山名曰金脇諸比丘金脇山
中有八万窟彼諸窟中有八万龍象在中居

住皆悉白色猶如拘牟頭華七枝拄地並有
神通乘空而行其頂赤色猶如因陀羅瞿波
迦垂皆悉六牙其牙纖利雜色金填諸比丘
過金脇山有山名曰雪山高五百由旬廣厚
亦尔其山微妙四寶所成金銀琉璃及頗梨
等彼山四角有四金峯挺出各高二十由旬
於中復有衆寶雜峯高百由旬彼山頂中有
阿耨達池阿耨達多龍王在中居住其他縱
廣五十由旬其水涼冷味甘輕美清淨不濁
七重埽壘七重板砌七重欄楯七重鈴網周
帀圍遶可喜端正乃至瑪瑙七寶所成復有
諸華優鉢羅鉢頭摩拘牟陀奔荼利迦華其

華雜色青黃赤白華如車輪復有藕根大如
車軸汁白如乳其味如蜜諸比丘其阿耨達
多池中有阿耨達多龍王宮其殿五柱微妙
可喜阿耨達多龍王與其眷屬在中遊戲受
天五欲具足快樂諸比丘阿耨達池東有恒
伽河從魚口出共五百河流入東海阿耨達
池南有辛頭河從牛口出共五百河流入南
海阿耨達池西有博叉河從馬口出共五百
河流入西海阿耨達池北有斯陁河從師子
口出共五百河流入北海諸比丘以何因緣
此龍名爲阿耨達多耶諸比丘有三因緣何
等爲三諸比丘閻浮洲中有諸龍住唯除阿

釋達多龍王其餘諸龍受快樂時即有熱沙
墮其身上彼等諸龍皆失天形色現虵形色
彼等諸龍時受斯苦阿釋達多龍王無如此
事是名第一因緣諸比丘閻浮洲中唯除阿
釋達多龍王其餘諸龍遊戲樂時有熱風來
吹彼等身即失天色現虵形色有如是苦阿
釋達多龍王無如此事是名第二因緣諸比
丘閻浮洲中所有諸龍遊戲樂時金翅鳥王
飛入其宮彼等既見金翅鳥王心生恐怖以
恐怖故即失天色現虵形色具受彼苦阿釋
達多龍王不尔若金翅鳥生如是心我今欲
入阿釋達多龍王宮殿時彼金翅以報劣故

即自受苦不能得入阿耨達多龍王宮殿諸
比丘此是第三因緣是故稱言阿耨達多諸
比丘雪山南面不遠有城名毗舍離毗舍離
北有七黑山七黑山北又有香山其香山中
無量諸緊那羅常有歌舞音樂之聲其山多
有種種諸樹其樹各出種種香熏大威德神
之所居住諸比丘彼香山中有一寶窟一名
雜色二名善雜色微妙可喜乃至碼碯七寶
所成各皆縱廣五十由旬柔軟滑澤觸之猶
若迦旃連提迦衣諸比丘其雜色善雜色二
窟之中有一軋闍婆王名無比喩共五百緊
那羅女在中居住具受五欲娛樂遊戲行住

坐卧諸比丘雜色善雜色二窟之比有大娑
羅樹王名爲善住其彼善住娑羅樹王別有
八千娑羅樹林周而圍遶時彼善住娑羅林
下有一龍象居住其中亦名善住其色純白
如拘牟陀華七枝拄地騰空而行頂骨隆高
如因陀羅瞿波迦虫其頭赤色具足六牙其
牙纖利復有金沙點於牙上復有八千諸餘
龍象以爲眷屬其色悉白如拘牟陀華七枝
拄地乃至悉以金莊校牙其彼善住娑羅樹
王林之正北爲於善住大龍象王出生一池
名曼陀吉尼縱廣正等五十由旬其水涼冷
甘美澄清無諸濁穢乃至藕根大如車軸破

之汁出色白如乳味甘若蜜諸比丘其曼陀
吉尼池周而更有八千諸他而自圍繞一一
皆如曼陀吉尼池彼八千他亦復如是諸比
丘其善住龍象王意中若欲入曼陀吉尼池
遊戲樂時亦時即念八千眷屬諸龍象輩時
彼八千諸龍象等亦起是心我之善住龍象
王心念我等我等今者當往善住王邊諸龍
象到已即在善住龍象王前低頭而住
亦時善住大龍象王即便詣向曼陀吉尼池
時彼八千諸龍象等前後圍繞彼善住王安
庠而行諸龍象輩有持白蓋覆其上者又有
龍象以鼻持白摩尼珠拂拂其上者其前又

有諸音樂神歌舞作倡在前導者尔時善住
大龍象王到已即入彼曼陀吉尼池中出沒
歡娛遊戲洗浴縱心適意受樂而行中有龍
象洗其鼻者或有龍象摩其牙者或有龍象
揩其耳者或有龍象灌其頭者或有龍象淋
其背者或有龍象摩其脇者或有龍象洗其
腔者或有龍象洗其足者或有龍象浴其尾
者或有龍象鼻拔藕根清淨洗已內於善住
龍象口者或有龍象以鼻拔取優鉢羅鉢頭
摩拘牟陀奔荼利迦華等繫著善住龍象王
頭上者

尔時善住大龍象王於彼曼陀吉尼池中恣

意隨心洗浴遊戲歡娛自在受快樂已噉諸
龍象所與藕根頭上校飾優鉢羅等種種雜
華莊嚴訖已從彼池出上岸停住時彼八千
諸龍象等即各散入彼八千池隨意洗浴遊
戲自在受歡樂已各皆噉食池內藕根食已
頭上即以優鉢羅等種種雜華而自嚴飾既
繫華已皆悉聚會集在善住龍象王邊到已
周帀四面圍遶尔時善住大龍象王與彼八
千諸龍象等前後導從意欲還向善住娑羅
樹王之林善住行時諸龍象輦或擎白蓋或
有執持白摩尼拂又有諸神作諸音樂引前
而行尔時善住大龍象王到於善住娑羅大

林樹王下住隨意卧起時彼八千諸龍象等亦各到彼八千娑羅樹林之下行住卧起自在安樂時彼林中有娑羅樹其本或有周圍六尋有娑羅樹其本復有周圍七尋八尋或九或十有娑羅樹其本周圍十二尋者其彼善住娑羅樹王其本周圍有十六尋於彼八千娑羅樹林所有萎黃墮落葉者即有風來吹令外出不穢其林彼等八千諸龍象輩所有便利穢汙之時有諸夜叉掃除擲却諸比丘若閻浮提有轉輪王出現世時而彼八千諸龍象中有最小龍象晨旦日日來至轉輪王前供給承事因尔得名調善象王又

其善住龍象大王或十五日旦起詣向天帝
釋邊天前任立承奉驅使諸比丘其彼善住
龍象大王有是神通有是威德雖復生於畜
生之中是龍輦類乃有如是大威神力汝等
應當如是念持

起世因本經鬱多羅究留洲品第二

諸比丘其鬱多羅究留洲有無量山彼等衆
山有種種樹其樹鬱茂出種種香其香普熏
遍滿彼處生種種草皆青紺色右旋宛轉
如孔雀毛香氣猶如婆梨師迦華觸之柔軟
如迦旃連提長可四指下足則偃舉脚還起
有種種樹樹出種種莖葉華果種種香熏種

種諸鳥各各自鳴和雅微妙彼等諸山種種
河流諸道四散平順向下漸漸安流無有波
浪又不速疾其岸不深平淺易度其水清淨
衆華覆上廣半由旬遍滿而流彼等諸河兩
岸皆有種種樹林隨水映覆種種香華青草
弥布多諸雜果衆鳥皆鳴又彼諸河兩岸悉
有諸妙好船雜色可喜並是金銀瑠璃頗梨
赤真珠磲磔碼碯等七寶所成

諸比丘其鬱多囉究留洲土地平正無諸荆
棘坑坎稠林亦無屏厠糞穢不淨及以礪石
瓦礫等物純是金銀不寒不熱時節調和又
其地中恒常潤澤青草弥覆諸雜林樹葉常

敷榮華果成就諸比丘其鬱多囉究留洲中
有諸樹林名曰安住其樹皆高六拘盧奢葉
密重累雨滴不漏次第相接如草覆舍彼諸
人等在樹下住又諸香樹亦高六拘盧奢或
復有高五拘盧奢四三二一拘盧奢者其最
小者猶高半拘盧奢悉有種種葉華與果彼
等諸樹隨心所出種種香氣復有劫波樹亦
高六拘盧奢乃至五四三二一拘盧奢者如
是最小高半拘盧奢悉有種種葉華與果從
彼果邊自然而出種種雜衣懸在樹間又有
種種瓔珞之樹其樹亦高六拘盧奢乃至五
四三二一拘盧奢者如是最小半拘盧奢悉

有種種葉華與果彼等諸果隨心而出種種
瓔珞懸垂而住又諸鬘樹其樹亦高六拘盧
奢乃至五四三二一拘盧奢者如是最小半
拘盧奢亦有種種葉華與果彼等諸果隨心
而出種種鬘形懸著於樹又諸器樹其樹亦
高六拘盧奢乃至五四三二一拘盧奢者如
是最小半拘盧奢亦有種種葉華與果其彼
等果隨心而出種種器形懸樹而住又有種
種衆雜果樹其樹亦高六拘盧奢乃至五四
三二一拘盧奢者如是最小半拘盧奢皆有
種種葉華與果彼等諸果隨心而出種種衆
果在於樹上其次又有音樂之樹其樹亦高

六拘盧奢乃至五四三二一拘盧奢者如是
最小半拘盧奢亦有種種葉華與果彼等諸
果隨心而出衆音樂形懸在樹間其地又有
不因耕種自然粳米清潔白淨不爲皮糲之
所結裹若欲成熟是時自有諸敷持果而作
鐺釜有諸火珠不假薪然而自出炎所欲作

事種種成熟諸飲食已珠炎自息更不熾然
諸比丘其鬱多囉究留洲周帀四面而有四
池其他名曰阿耨達多各各縱廣五十由旬
其水清涼甜美輕軟香潔不濁七重埽壘七
重板砌七重欄楯周帀圍繞七重鉢網復有
七重多羅行樹周迴圍遶雜色可喜皆以金

銀瑠璃頗梨赤真珠碑渠瑪瑙等七寶所成
其他四方各有堦道雜色可喜乃至瑪瑙七
寶所成有諸雜華優鉢羅鉢頭摩拘牟陀奔
荼利迦等青黃赤白及縹色等其華圓廣大
如車輪香氣氤氳微妙最極有諸藕根大如
車軸破之汁出其色如乳食之甘美味甜如
蜜諸比丘彼阿耨達多池四面復有四大河
水隨順而下正直而流無有波浪不疾不遲
其岸不高平淺易入水不奔逸雜華彌覆廣
一由旬彼等諸河兩岸復有種種樹林交雜
映覆復出種種衆妙香熏種種草生青色柔
軟右旋宛轉略說乃至高如四指脚下隨下

步舉還平及諸鳥等種種音聲其河兩岸入
有諸船雜色可喜乃至碑渠碼碯等寶之所
合成觸之柔軟如迦旃隣提迦衣諸比丘其
鬘多囉究留洲恒常夜半從彼阿耨達多四
地之中起大密雲周帀遍覆鬘多囉究留洲
及諸山海悉遍布已然後乃雨八功德水猶
如穀捋特牛乳頃所下之雨如四指深更不
傍流當下之處即沒地中還彼半夜雨止雲
除上虛空中悉皆清淨從海起風吹於涼冷
柔軟甘澤調適觸之安樂潤彼鬘多囉究留
洲普令悅澤肥膩滋濃如巧鬘師鬘師弟子
作鬘成已以水細灑灑已彼鬘光澤鮮明如

是如是諸比丘彼鬱多羅究留洲其地恒常
悅澤肥膩譬如有人以油酥塗彼地潤澤亦
復如是諸比丘彼鬱多羅究留洲復有一池
名爲善現其池縱廣一百由旬涼冷柔軟清
淨無濁七寶塼砌略說乃至味甜如蜜諸比
丘其善現池東面有苑還名善現其苑縱廣
一百由旬七重欄楯七重鈴網七重多羅行
樹周而圍遶雜色可喜七寶所成乃至碑礫
及碼礪等一一方面各有諸門而彼等門悉
有却敵雜色可喜七寶所成乃至碑渠及瑪
瑙等諸比丘彼善現苑平正端嚴無諸荆棘
丘陵坑坎亦無屏廁砂石瓦礫諸雜穢等多

有金銀不寒不熱節氣調和常有泉流四面
彌滿樹葉敷榮華果成就種種香熏種種衆
鳥常出妙音鳴聲和雅復有諸草青色右旋
柔軟細滑猶孔雀毛常有香氣彼婆利師華
觸之猶如迦旃隣提衣足蹈之時隨脚上下
復有諸樹其樹多有種種根莖葉華及果各
出種種香氣普熏諸比丘彼善現苑復有諸
樹名爲安住其樹出高六拘盧奢其樹葉密
雨不能漏樹葉接連如草覆舍彼諸人輩多
在其下居住止宿有諸香樹諸劫波樹諸瓔
珞樹又諸鬘樹諸器物樹諸果樹等又有自
然清淨粳米成熟之飯諸比丘彼善現苑無

我無主無守護者其鬱多囉究留洲人輩入
善現苑入已遊戲受種種樂隨意欲行或於
東門南西北門入其中已遊戲澡浴受樂而
行隨心欲行去處即去

諸比丘其善現池為鬱多囉究留洲人輩南
邊有苑名曰普賢其苑縱廣一百由旬七重

欄楯周帀圍遶諸比丘其普賢苑無守護者
唯鬱多囉究留洲人輩欲入普賢苑中澡浴
遊戲受樂彼等從東門南西北門入已澡浴
遊戲受樂已隨欲去處即去

諸比丘其善現池為鬱多囉究留洲人輩西
邊有苑名曰善華其苑縱廣一百由旬七重

欄楯周帀圍遶略說乃至如善現苑等無有
異亦復無有守護之者唯鬱多囉究留人輩
欲入善華苑澡浴遊戲受樂即從東門南西
北門入已澡浴遊戲受樂已隨欲去處即去
諸比丘其善現池北邊有苑名曰喜樂縱廣
正等一百由旬乃臣無守護者其鬱多囉究
留人輩欲入喜樂苑澡浴遊戲受樂即從東
門南西北門入澡浴遊戲受樂已隨欲去處
即去略說如前善現苑等

諸比丘其善現苑接善現池東邊有大河名
易入道漸次下流無有波浪又不速疾雜華
覆流廣二由旬半諸比丘其易入道河兩岸

有種種樹覆種種香熏種種草生略說乃至
觸者柔軟如迦旃隣提迦衣足蹈之時四指
下伏舉足之時還四指起有種種樹及種種
葉華果具足種種香熏有種種鳥各各自鳴
其易入道河兩岸有諸妙船雜色可喜七寶
所成金銀琉璃頗梨赤真珠砗磲瑪瑙等莊
嚴校飾

諸比丘其善現池南爲鬱多羅究留人輩有
大河流名曰善體漸次下流略說猶如易入
道河此處所有種種如彼無異乃至諸船雜
色所成柔軟猶如迦旃隣提迦衣諸比丘其
善現池西爲鬱多羅究留人輩有大河流名

曰如車乃至略說漸次而下諸比丘其善現
池比爲鬱多囉究留人輩有大河流名曰威
主漸次而下略說乃至兩岸有舩七寶莊飾
柔軟猶如迦旃隣提迦衣其間有鬱陀那伽他
善現普賢等 善華及喜樂 易入并善體
如車威主河

諸比丘其鬱多囉究留人輩欲入易入道善
體如車及威主等河中澡浴遊戲受諸樂時
即皆至彼河之兩岸各脫衣裳置於岸邊欲
入水故坐於舩上乘向水中澡浴身體遊戲
受樂彼等誰最在前出者即取上衣自恣著
已隨意而去亦不專求自許本衣何以故彼

鬱多囉究留人輩無我我所無守護者又復
彼等詣向香樹到香樹已。是時香樹爲彼等
故樹枝垂下爲彼諸人香樹即出種種妙香
令手擘及時彼等人於彼樹取種種衆香用塗
身已復各詣向劫波樹下到已其樹亦復如
前樹枝垂下出種種衣令彼諸人手所擘及
彼諸人輩於彼樹取種種妙衣取已而著著
已轉向諸瓔珞樹到彼樹已爲諸人輩彼瓔
珞樹枝亦垂下爲彼等故彼瓔珞樹如前樹
出種種瓔珞手所擘及彼諸人輩於彼樹取
種種瓔珞繫著身已詣向鬘樹到鬘樹已爲
彼等故彼鬘樹枝亦自垂下時彼鬘樹出種

種鬮令彼等人手所攀及既於彼樹取種種
鬮繫著頭已詣向器樹到器樹已器樹為彼
枝亦垂下手所攀及隨所欲器即取持用詣
向果樹到果樹已為彼等故果樹枝垂為彼
等故彼之果樹出種種果手所攀及彼等人
輦於彼樹下隨所欲果稱意而取取已或有
食其果者或有搗取其汁而飲之者食飲訖
已詣向音樂樹林到彼林已為彼等故彼音
樂林枝亦垂下為彼等出諸音樂器手所攀
及彼等人輦於彼樹間各隨所須眾音樂器
取已執持其形微妙其音和雅欲彈則彈欲
舞則舞欲歌則歌如是受樂種種訖已各隨

所之欲去則去

起世因本經卷第一

取

笈其業囉力加嘿默音墨金翅智下狹侯夾

挺亭頂縱廣容上攔楫時下壘堞水上

下音輦力展却敵的徒樓槽音順林苑阮下

校饒式下鸚莫班毛竹加又車箱相下佉

丘迦搔捷上蘇刀鞞醯呼方烏勃浦下

設捺音茶甘蔗夜下荻徒的葦于鬼薔薇牆上

微甘添下博壘專上間錯倉上去聲下脇業虛

拄地主上陂音碑織利正上息廉反填音田砌細七

反藕吾口娛樂息上曼陀官上倡昌音措反口皆

淋

林音

齊

虛業

脍

反

妻

董

為上

烏

紺

反古

暗

荆棘

棘

上音

京

下

坑

坎

下上

口

庚

反

稠

林

流上

反直

屏

厠

音上

棘

居力

反

初

疆

石

薑上

音

瓦

礫

曆下

音

粳

米

上音

皮

糲

音上

使去

反

敦

持

昆上

反

錙

釜

下

楚

庚

反

縹

反

氛

氲

音上

會反

芳

文

反

搆

拊

上

古

候

反

正

作

特

字音

肥

膩

音上

下

烏

云

反

蹈

盜音

澡

上

音

孳

攬音

同

擗

在

二

貞

音上



